

КАНОН СВЯТИТЕЛЮ ИГНАТИЮ БРЯНЧАНИНОВУ

Память празднуем 30 апреля (13 мая)

Тропарь, глас 8-й

Правосла́вия поборо́ниче, покая́ния и моли́твы де́лателью и учи́телю изря́дный, архиере́ев богодухнове́нное украше́ние, мона́шествующих сла́во и похвало́: писа́нии твои́ми вся ны уцелому́дрил еси́. Цевни́це духо́вная, Игна́тие богому́дре, моли́ Сло́ва Христа́ Бо́га, Егóже носил еси́ в се́рдце твоём, дарова́ти нам пре́жде конца́ покая́ние.

Ин тропарь, глас тойже:

Изра́нник возлю́блен Христо́ви яви́лся еси́, Тому́ скорбьми́ мно́гими и моли́твою непреста́нною прилепи́вся, благода́ть Ду́ха Свята́го стяжа́в, учи́тель изря́ден лю́дем был еси́. Помина́й нас, святи́телю Игна́тие, Богоно́се Росси́йский, да уче́нии и моли́твами твои́ми покая́ние спаси́тельное обра́щем и любóвию серде́чною Христу́ усво́имся.

КАНОН, глас 8-й

Песнь 1

Ирмос: Колесницегонителя фараона погрузи чудотвори иногда Моисейский жезл, крестообразно поразив и разделив море, Израиля же беглеца, пешеходца спасе, песнь Бо́гови воспева́юще.

Припев: Святи́телю о́тче наш Игна́тие, моли́ Бо́га о нас.

Пу́ть духо́вный, к Бо́гу Жи́ву веду́щий, прешёл еси́, святи́телю Игна́тие, я́сно указа́я нам, ка́ко подоба́ет стезю́ жити́я земна́го преходи́ти, уче́нию Христо́ву вне́млюще.

Святи́телю о́тче наш Игна́тие, моли́ Бо́га о нас.

Пе́рвую ступе́нь в ле́стнице добродете́лей Ева́нгельских, нищету́ духо́вную, узрёл еси́, о́тче, и той последова́ти, ту́ю возлю́бити, то́ю пу́ти духо́внаго нача́ло полага́ти завет твой дал еси́.

Слава: Нищета́ ду́ха, рекл еси́, соль есть всех жертв духо́вных, нищета́ бо ду́ха блаже́нство пе́рвое нарече́ся во Святе́м Ева́нгелии Христо́ве ейже вси про́чие блаже́нства, кро́тость, милосе́рдие, се́рдца чистота́, последуют и ёю соверша́ются.

И ныне: Ма́ти Све́та, Пречи́стая Богороди́тельнице, жити́е спаси́тельно на землі с Сы́ном и Бо́гом Твои́м соверши́вшая, нас, недосто́йных, укрепі́, от грехо́в изба́ви и к пра́вде ве́чной ше́ствовати утверди́.

Песнь 3

Ирмос: Небе́снаго кру́га Верхотво́рче, Го́споди, и Це́ркве Зижди́телю, Ты мене́ утверди́ в любви́ Твоёй, желáний краю́, ве́рных утвержде́ние, Еди́не Человеколю́бче.

Святителю отче наш Игнатие, моли Бога о нас.

Правду Христову в житии своем восписуя, святителю Христов Игнатие, обрел еси на пути сем, еже плакати и рыдати о содеянных злых и к Спасителю мира притекати.

Святителю отче наш Игнатие, моли Бога о нас.

В юности плачем иноческим горце восплакал еси в келлии своей о разрушении храма сердца человеческого, Богом созданного Богослужения возвышенного ради, о пленении души и ума, от сих же всех токмо Едином Богочеловеком Спасителем избавимся.

Слава: И паки плач стяжал еси, отче, в иночестем житии твоём, егда вся преграды, от Бога удаляющия тя, препобедил еси. Сего плача ради помяни нас, чтущих святую память твою.

И ныне: Дево Пречистая, печали наша и скорби утешающая, плач спасительный подавай нам, да о бездне зол наших и неправд восплачем пред Тобою.

Господи, помилуй (трижды). Слава, и ныне:

Седален, глас 3-й

Поучал еси, отче достохвально, яко молитву чисту стяжати, таже чувство покаяния и плача возлюбити довольно есть, во еже спасение вечное улучшить, егоже и нас, грешных, сподоби молитвами твоими, святе.

Песнь 4

Ирмос: Ты моя крепость, Господи, Ты моя и сила, Ты мой Бог, Ты мое радование, не оставль недра Отца и нашу нищету посетив. Тем с пророком Аввакумом зову Ти: силе Твоей Слава, Человеколюбче.

Святителю отче наш Игнатие, моли Бога о нас.

Тайны жития иноческого взыскуя, блаженне Игнатие, познал еси, яко каются подобает и труд иноческий ничтоже ино есть, еже делание непрестанного покаяния.

Святителю отче наш Игнатие, моли Бога о нас.

В покаянии, слезах и плаче о содеянных злых узрел еси, отче, спасения путь, к Горней жизни ведущий, иже предлежит и всякому носящему Имя Христово.

Слава: Рекл еси, отче преподобне, яко должно есть покаянием страсти отсекасти, таже покаянием доброделание стяжати, и аще не узрит око наше, яко грешни есмы, не имамы спасения вечнаго улучшить.

И ныне: Мати Божия, грешных Споручнице и Помощнице, путь наш, к Богу ведущи, покаянием истинным укрепи, зрением греха и исповеданием его направи.

Песнь 5

Ирмос: Вскую мя отринул еси от лица Твоего, Свете Незаходимый, и покрыла мя есть чуждая тьма, окайнного, но обрати мя и к свету заповедей Твоих пути моя направи, молюся.

Святителю отче наш Игнатие, моли Бога о нас.

Плачем и покаянием непрестанным душу твою снабдевая, отче Игнатие, делатель молитвы явился еси, сию от возраста младенческаго возлюбив, и в основание жизни

духовныя положил еси.

Святителю отче наш Игнатие, моли Бога о нас.

Молитвою усердною житие твое от юности укрепляя, даже до кончины подвиг твой молитвенный ко Христу Богу соблюдал еси, имже о Боже Спасе утверждаяся.

Слава: В возраст мужеский пришед, монахов начальник быв и многообразныя скорби испытывая, в молитве твердей и непрестанней многими слезами ослабу и отраду истинную почерпал еси, отче всеблаженне.

И ныне: Дево Пречистая, Мати Христа Бога, венец молитвы неусыпающая, о нас, грешных, мольбу Богу принеси и молением Твоим от напастей и скорбей нас избави.

Песнь 6

Ирмос: Молитву пролию ко Господу и Тому возведу печали моя, яко зол душа моя исполнися и живот мой аду приближися, и молюся, яко Иона: от тли, Боже, возведи мя.

Святителю отче наш Игнатие, моли Бога о нас.

Явился еси учитель молитвы сердечныя, отче наш Игнатие, ясно наставляя, како должны есмы пред Лицем Христовым предстояти и молитву покаяния творити.

Святителю отче наш Игнатие, моли Бога о нас.

Подобает на молитве, поучал еси, отче, встати в лице прокаженных, слепых, глухих, хромых и тако ко Христу, от сердца сокрушеннаго, от нищеты духа нашего, молитву тщатися творити.

Слава: Егда тишина возвее в сердце на молитве, поучал еси, отче, и мир ко всем, смирение, сострадание и любовь к человеку, тогда познаем, яко благодать Духа Свята сие содела.

И ныне: Мати Божия, Духа Святаго приятелище непостижимое, о смертных нас молися и молитву нашу к Богу управи.

Господи, помилуй (трижды). Слава, и ныне:

Кондак, глас 8-й

Аще и совершал еси стезю жития земнаго, святителю Игнатие, обаче непрестанно зрел еси законы бытия вечнаго, сему поучая ученики словесы многими, имже последовати и нам, святче, помолися.

Икос

Рекл еси, отче, в писаниих твоих, яко подобает имети страх Божий, дабы вступить в совершенство всех добродетелей, любовь Божию, тако Отцу Небесному уподобитися. Сему учению последовати и нам, святче, помолися.

Песнь 7

Ирмос: Отроцы еврейстии в пещи попраша пламень дерзновенно и на росу огонь преложивша, вопиюще: благословен еси, Господи Боже, во веки.

Святителю отче наш Игнатие, моли Бога о нас.

В зимнем обнажении ветвей древесных поучался еси, отче, тайне воскресения мертвых, якоже бо древо во время свое листвию покрывается, тако и кости человеческия оживут и, облечшися плотию, в мир новый вступить имут.

Святителю отче наш Игнатие, моли Бога о нас.

Познал еси, отче, елико возможно, тайну кончины бытия человеческого, тайну естества ангельского и души человеческого, и воздал еси благодарение Богу.

Слава: Единого токмо Бога, Духа Истины, исповедал еси, Иже Един всесовершен есть, Ему же поклоняющися, ты, отче, величаем.

И ныне: Дево Марие, Мати Незреченного Света, нас, грешных, от мысленных падений огради, Божественное же учение Церкви Святыя в сердцах наших укрепи.

Песнь 8

Ирмос: На горе святой прославльшася и в купине огнем Приснодевы Моисеови тайну явльшаго, Господа пойте и превозносите во вся веки.

Святителю отче наш Игнатие, моли Бога о нас.

Возлюбил еси, отче, служити братии словом Божиим, и бысть тебе служение сие в подвиг жития твоего, нам же в радование непреложное, вопиющим ти: не остави нас, отче, словом и молитвами твоими.

Святителю отче наш Игнатие, моли Бога о нас.

В служении Слову услышал еси в души твоей глас уверения во спасении, сего ради преискренне возлюбил еси ближних твоих и самое то Слово Божие.

Слава: Поучал еси ближних твоих, святителю, яко Спаситель наш есть Огонь Небесный, Иже и в словесах Его Евангельских действует.

И ныне: Мати Божия, Бога Слова рождающая, даждь слово рабом Твоим, еже сказать тайну всемиростиваго заступления Твоего, в тайне рождения Слова, Христа Бога, явльшуюся.

Песнь 9

Ирмос: Ужасеся о сем Небо, и земли удивилшася концы, яко Бог явися человеком плотски и чрево Твое бысть пространнейшее Небес. Тем Тя, Богородицу, Ангелов и человек чиновачалия величают.

Святителю отче наш Игнатие, моли Бога о нас.

Многи труды и болезни подъяв в житии твоём, святителю всечестне, Кресту Христову, светло сияюще, поклонился еси и молитву твою ко Христу простерл еси.

Святителю отче наш Игнатие, моли Бога о нас.

Скорбимыи обуреваемый, зрел еси в видении в кельи своей Странника, посетившаго ты. Откуда шествуеши? И где селение Твое? Почто доселе оставлял еси е? – сладце вопиял еси, отче, явльшемуся ти Христу.

Слава: В хождении пред Господем познал еси, отче, судьбы отечества твоего, таже и кончину твою ясно провидел еси, к Богу Слову, Христу возлюбленному, молитвенно устремлялся.

И ныне: Мати Божия, Сияние неизреченного Света, стопы наша к жизни вечней направи, прощаючи вся злая, нами содеянная.